

醫

學

心

悟

學心悟第四卷

天都普明子程國彭鍾齡著

遺精

夢而遺者謂之遺精。不夢而遺者謂之精滑。大抵由夢者由於相火之強。不夢者由於心腎之虛。然今人體薄火旺者十中之一。虛弱者十中之九。予因以二九分正之一曰清心丸。瀉火止遺之法也。一曰十補丸。大補氣血。俾氣旺則能攝精也。其有因誦讀勞心而得者。更宜補益。不可輕用涼藥。復有因於濕熱者。濕熱傷腎。則水不清。法當導濕為先。濕去水清而精自固矣。秘精丸主之。

清心丸 清心火瀉相火安神定志止夢泄

生地 四兩 酒洗

丹參 二兩

黃柏 五錢

牡蠣

山藥

棗仁 炒

茯苓

茯神

麥冬

各一兩 五錢

北五味

車前子

遠志

各一兩

用金稷膏爲丸每服三錢開水下

十補丸

大熟地 四兩

當歸 二兩

白芍 二兩

黃芪

四兩

人參 二兩

白朮

四兩

茯苓 二兩

山藥

三兩

棗仁 二兩

遠志 一兩

山茱肉 三兩

杜仲

三兩

續斷 二兩

北五味 一兩

龍骨 一兩

牡蠣

一兩

用石斛四兩熬膏和煉蜜爲丸每早開水下四錢凡使煎劑

彷彿丸方

秘清丸 見虛症

赤白濁

濁之因有二種一由腎虛敗精流注一由濕熱滲入膀胱腎氣虛補腎之中必兼利水蓋腎經有二竅溺竅開則精竅閉也濕熱者導濕之中必兼理脾蓋土旺則能勝濕且土堅礙則水自澄清也補腎用絲子丸主之導濕用薏苡分清飲主之或問濁有赤者何也答曰此濁液流多不及變化也又或心火盛亦見赤色宜加入蓮子心燈心丹參等藥則愈矣

兔絲子丸

兔絲子 四兩

茯苓

山藥

沙苑蒺藜 炒

車前子

遠志肉

去心甘草水  
炮炒各二兩

杜蘅

煨熟碎一兩

用石斛四兩熬膏量加煉蜜為丸每服三四錢開水下

草薢分清飲

川草薢 二錢

黃柏 炒

石菖蒲

各五分 茯苓

白朮 各一錢

蓮子心 七分 丹參

車前子 各一錢五分

水煎服

黃疸

黃疸者目珠黃。兩及皮膚皆見黃色也。此濕熱壅遏所致。如食

麴相似濕蒸熱鬱而黃色成矣然濕熱之黃黃如橘子蘗皮因  
火氣而光采此名陽黃又有寒濕之黃黃如蘗黃色暗而不明  
或手足厥冷脈沉細此名陰黃陽黃者梔子蘗皮湯若便閉不  
通宜用茵陳大黃湯陰黃者茵陳五苓散如不應用茵陳薑附  
湯其間有傷食者名曰穀疸傷酒者名曰酒疸出汗染衣名曰  
黃汗皆陽黃之類也穀疸胸膈滿悶噯腐吞酸以加味枳朮湯  
加茵陳治之應手輟效酒疸更加葛根黃汗用梔子蘗皮湯加  
白朮其間有女勞疸乃陰黃之類宜用薑附湯加參朮補之復  
有久病之人及老年人脾胃虧損面目發黃其色黑暗不明此  
臟腑之真氣泄露於外多爲難治宜用六君子湯主之

梔子蘂皮湯

茵陳大黃湯

茵陳五苓散

茵陳薑附湯

俱見傷寒發黃

加味枳朮湯

白朮二錢

枳實

陳皮

麥芽

山楂

茯苓

神麴

連翹

各二錢

茵陳

荷葉

各一錢五分  
澤瀉五分

水煎服。如兼湯酒加葛根一錢。○若便閉去白朮加荀子

黃芩

六君子湯

見類中

不能食

有風寒食不消者病氣退而食自進有積滯食不消者祛其積而食自消古方神木散保和湯枳朮丸皆消積進食之法也然有脾氣虛弱不能消化者有命門火衰不能生脾土而食不消者東垣云胃中元氣盛則能食而不傷過時而不饑脾胃俱旺則能食而肥脾胃俱衰則不能食而瘦坤土虛弱不能消食豈可更行剋伐宜用六君子補中益氣湯補之許學士云不能食者未可專責之脾腎經元陽不足不能薰蒸腐化譬如釜中水穀底下無火其何能熟火爲土母虛則補其母庶元氣蒸騰飲食增益八味丸主之世俗每見不能食症輒用枳樸黃連實者當之猶可虛人得之禍不旋踵矣大凡不能食而吞酸噯腐胃



膈滿悶未必盡屬積食也。多有脾虛腎弱而致此者。治者詳之。

神木散 見類中

保和湯 見心齋

枳朮丸 見黃蘗

六君子湯

補中益氣湯

八味丸

俱見類中

不得臥

有胃不和臥不安者。胃中脹悶疼痛。此食積也。保和湯主之。有  
心血空虛臥不安者。皆由思慮太過。神不藏也。歸脾湯主之。有  
風寒邪熱傳心。或暑熱乘心。以致躁擾不安者。清之而神自定。  
有寒氣在內而神不安者。溫之而神自藏。有驚恐不安臥者。其  
人夢中驚跳怵惕是也。安神定志丸主之。有濕痰壅遏神不安  
者。其證嘔惡氣悶。胃膈不利用。二陳湯導去其痰。其臥立至更。

有被褥冷暖太過天時寒熱不勻皆令不得安臥非關於病醫家慎勿誤治也

保和湯 歸脾湯 俱見心痛

二陳湯 見中暑

安神定志丸

茯苓

茯神

人參

遠志 各一兩

石菖蒲

龍齒 各五錢

煉蜜爲丸如梧子大辰砂爲衣每服二錢開水下

自汗盜汗

自汗症有風傷衛自汗出者有熱邪傳裏自汗出者有中暑自汗出者有中寒冷汗自出者治法俱見本門然風火暑熱症自

汗太多猶恐亡陽尚當照顧元氣。矧在虛寒者乎。是以人參芪  
本爲歛汗之聖藥。挾寒者則以附子佐之。輕劑不應則當重劑。  
以投之。設仍不應。則以龍骨牡蠣北五味等收瀉之品輔助而  
行。或以人參養營湯相兼而用。蓋補可去弱。瀉可固脫。自然之  
理也。其盜汗症傷寒邪客少陽則有之外。此悉屬陰虛。古方當  
歸六黃湯藥味過涼。不宜於陰虛之人。陰已虛而更傷其陽。能  
無損乎。宜用八珍湯加黃芪麥冬五味。主之。方有黃芪以氣旺  
則能生陰也。

人參養營湯 見虛勞

八珍湯 見虛勞

當歸六黃湯

當歸

黃芪

黃芩

黃蘗

黃連

甘草

各等分。水煎服。

癲狂癇

經云。重陰爲癲。重陽爲狂。而癇症。則痰涎聚於經絡也。癲者。癡呆之狀。或笑或泣。如醉如夢。言語無序。穢潔不知。此志願太高。而不遂所欲者。多得之。安神定志丸。主之。狂者。發作剛暴。罵詈不避親疎。甚則登高而歌。棄衣而走。踰垣上屋。此痰火結聚所致。或傷寒陽明邪熱所發。痰火生鐵。落飲。滾痰丸。並治之。傷寒邪熱。大承氣湯下之。癇者。忽然發作。眩仆倒地。不省高下。甚則

痰癰抽掣目斜口喎痰涎直流呌喉作畜聲醫家聽其五聲分  
爲五臟如犬吠者肺也羊嘶者肝也馬鳴者心也牛吼者脾也  
猪呌者腎也雖有五臟之殊而爲痰涎則一定癰丸主之既愈  
之後則用河車丸以斷其根以上三症皆煩治取驗者也若妄  
意求奇失之遠矣

安神定志丸 見不得臥

滾痰丸 見痰飲

大承氣湯 見傷寒少陰症

生鐵落飲

天冬 去心

麥冬 去心

貝母 各三錢

胆星

橘紅

遠志肉

石菖蒲

連翹

茯苓

茯神 各一錢

玄參

鈞藤

川參 各一錢五分

辰砂 三分

用生鐵落煎熬三炷線香，取此水煎藥，服後安神靜睡，不可驚駭，叫醒犯之，則病復作，難乎為力。凡狂症服此藥二十餘劑而愈者多矣。若大便閉結，或先用滾痰丸下之。

定癇丸 男婦小兒癇症，並皆治之。凡癲狂症，亦有用此藥而愈者。

明天麻 一兩

川貝母 一兩

胆南星 九製者 五錢

半夏 姜汁炒 一兩

陳皮 洗去白 七錢

茯苓 蒸 一兩

茯神 去木蒸 一兩

丹參 酒蒸 二兩

麥冬 去心 二兩

石菖蒲 石杵碎取 粉五錢

遠志 去心甘草 水泡七錢

全蝎 去尾甘草 水洗五錢

姜蚕 甘草水洗去 嘴炒五錢

真琥珀 五錢 腐煮 灯草研

辰砂 細研水 飛三錢

用竹瀝一小碗、姜汁一杯、再用甘草四兩熬膏、和藥爲丸、如彈子大、辰砂爲衣、每服一九、照五癰分引下、犬癰、杏仁五枚、煎湯化下、羊癰、薄荷三分、煎湯化下、馬癰、麥冬二錢、煎湯化下、牛癰、大棗二枚、煎湯化下、猪癰、黑料豈三錢、煎湯化下、日再服、本方內加人參三錢尤佳。

### 河車丸

紫河車 一具

茯苓

茯神

遠志 各一兩

人參 五錢

丹參 七錢

煉蜜爲丸、每早開水下三錢。

驚悸恐

驚者驚駭也。悸者心動也。恐者畏懼也。此三者皆發於心。而肝腎因之。方書分爲三門。似可不必。經云。東方青色入通乎肝。其病發驚駭。驚雖屬肝。然心有主持。則不驚矣。心驚然後胆怯。乃一定之理。心氣熱。硃砂安神丸主之。心氣虛。安神定志丸主之。悸爲心動。謂之怔忡。心築築而跳。搖搖而動也。皆由心虛挾痰所致。定志丸加半夏。橘紅主之。恐爲腎志。亦多由心虛而得。經云。心怵惕思慮則傷神。傷神則恐懼自失。十全大補湯主之。若腎經真陽不足。以致恐者。更佐以八味丸。如鹿茸人參之類。余嘗治驚悸恐懼之症。有用大補數十劑。或百餘劑而後愈者。毋謂七情之病而忽視之也。



硃砂安神丸

黃連 酒炒一錢五分

硃砂 水飛二錢

甘草 五錢

生地黃 酒洗五錢

當歸 酒拌二錢

蒸餅丸芡苳夫每服十九開水下

安神定志丸 見不

十全大補湯 見虛

八味丸 見類

眩暈

眩謂眼黑暈者頭旋也古稱頭旋眼花是也其中有肝火內動者經云諸風掉眩皆屬肝木是也逍遙散之有濕痰壅而遏者書云頭旋眼花非天麻半夏不除是也半夏白朮天麻湯主之有氣虛挾痰者書曰清陽不升濁陰不降則上重下輕也六君

子湯主之。亦有腎水不足虛火上炎者。六味湯亦有命門火衰。眞陽上泛者。八味湯此治眩暈之大法也。予嘗治大虛之人。眩暈自汗。氣短脈微。其間有用參數斤而愈者。有用參十數斤而愈者。有用附子二三斤者。有用芪朮熬膏近半石者。其所用方總不離十全八味六君子等。惟時破格投劑。見者皆驚。堅守不移。聞者盡駭。及至事定功成。甫知非此不可。想因天時薄弱。人稟漸虛。至於如此。攝生者。可不知所慎歟。

加味逍遙散

見類中

半夏白朮天麻湯

半夏 一錢五分

天麻

茯苓

橘紅 各二錢

白朮 三錢

甘草 五分

生薑一片 大棗二枚 水煎服

六君子湯

六味湯

八味湯

俱見類中

十全大補湯

見虛

健忘

經云。腎者作強之官。技巧出焉。心者。君主之官。神明出焉。腎主智。腎虛則智不足。故喜忘。其前言又心藏神。神明不充。則遇事遺忘也。健忘之症。大概由於心腎不交。法當補之。歸脾湯十補丸。主之。亦有痰因火動。痰壅心包者。此乃神志昏憤。與健忘症。稍不相同。法當清心開竅。二陳湯加竹瀝薑汁。並硃砂安神丸。主之。

歸脾湯

十補丸

俱見虛勞

二陳湯

見中風

硃砂安神丸

見驚悸

簡雜

簡雜者。躁擾不寧之貌。得食暫已。少頃復簡。其中有挾痰與火者。則口燥唇焦。脈滑數也。二陳湯加山梔黃連之類。有脾虛挾痰者。則氣促食少。脈小弱也。五味異功散。主之。簡雜之症。治失其宜。變為噎塞者。衆矣。可不慎乎。更有元氣大虛。心中擾亂不安者。名曰虛煩。此與簡雜不同。當按其虛而重補之。夫病有衆症。各有情形。善治者宜斟酌焉。

二陳湯

見中風

五味異功散

見類中

咽喉

口舌齒唇

咽能蒸物通乎地氣。喉能納氣通乎天氣。氣之呼吸食之升降。而人命之存亡係焉。咽喉之病。挾熱者十之六七。挾寒者十之二三。而風寒包火者。則十中之八九。古人開手一方。只用甘草桔梗三因方。加以荊芥。其他勞子薄荷貝母川連之類。皆出後人續補。可見咽喉之病。不便輕用涼藥。而專主開發升散者。所謂結者開之火。鬱發之是已。及其火勢極盛。則清劑方施。結熱下焦而攻法始用。非得已也。方書雖稱咽喉爲三十二症。命名各殊。治法亦異。眩人心目。茲予細加訂正。不遺不贅。並選古今治法。而擇其平善至效者。詳列於左。誠以咽喉關要之地。命如懸縷。學者宜致思焉。

一曰喉痺痺者痛也。經云一陰一陽結謂之喉痺。一陰者手少陰心。一陽者手少陽三焦也。心爲君火。三焦爲相火。二火衝擊咽喉。痺痛。法當散之。清之。加味甘桔湯主之。又有非時暴寒。潛伏於少陰經。越旬日而後發。名曰伏氣咽喉痛。謬云腎傷寒是已。法當辛溫以散之。半夏桂甘湯主之。復有少陰中寒之重証。寒客下焦。逼其無根失守之火。發揚於上。遂致咽喉痛。其症手足厥冷。脈沉細。下利清穀。但用理中四逆湯療寒而咽喉痛自止。斯二者寒也。其他悉屬熱症。不可不知。

二曰纏喉風。咽喉腫痛。脹塞紅絲纏繞。故名纏喉風。其症口吐涎沫。食物難入。甚則腫連於外。頰如蛇纏。先用黃蘗汁調玄明

粉少許灌喉中。覺去其痰。次用蜜水潤之。若薑汁不能拔痰。則用土牛膝連根煨爛。和酸醋灌之。如或頑痰膠固。吐仍不出。咽喉脹閉不通。滴水難入者。則用解毒雄黃丸。極酸醋磨下。七九自然得吐。而通。既通。可用牛黃清心丸。加味甘桔湯。如或腫勢達外。延及頸項。頭面紅如火。光藥力難敵。急用磁鋒砭去惡血。用雞子清調乳香末潤之。立瘥。或用芭蕉根汁潤之。以解其毒。若口中腫脹紫黑。急用銀針刺去其血。或用小刀點之。隨以淡鹽湯洗之。晚上冰片散。更有腫在喉裏。鍼法難施。急於手少商穴出血。則喉花自開。仍以解毒雄黃丸灌之。自然通透。此等病勢危惡。非吐痰解毒。煎九並進刀鍼砭石按法。普施鮮克有濟。

也。治此者。平時搗摩純熟。臨症庶能措手。幸毋輕忽。息緩以調。人也。少商穴在手大姆指內側。去爪甲一韭葉許。鍼時用布鍼鍼之。

三曰走馬喉風。喉舌之間。暴發暴腫。轉腫轉大。名曰走馬喉風。又名飛揚。不急治。卽殺人。用小刀點出血。淡鹽湯洗之。吹以冰片散。仍服加味甘桔湯。加金銀花一二兩。若牙關緊急。則用搐鼻散吹鼻中。隨以辟毒雄黃丸醋磨灌之。太乙紫金丹亦佳。紫金丹治咽喉等症。無往不神驗也。

四曰纏舌喉風。硬舌根而爛兩傍。急服加味甘桔湯。吹以冰片散。緩則不救。若有爛處。以頭髮作帶子。用甘草湯洗淨。然後吹。



藥。

五曰雙單乳蛾狀如乳頭。生喉間。一邊生者名單乳蛾。兩邊生者名雙乳蛾。宜用壘菜汁調玄明粉灌去痰涎。吹以冰片散。隨服甘桔湯。自應消散。若不消。以小刀點乳頭上。出血立瘥。凡鍼乳蛾。宜鍼頭尾。不可鍼中間。鮮血者易治。血黑而少者難瘥。凡用刀鍼血不止者。用麝三七末嚼敷刀口上。卽止。凡使刀鍼。不可誤傷蒂。丁損則不收。慎之慎之。

六曰喉疔。形似靴釘。但差長耳。先用小刀點刺。隨用冰片散吹。之以甘桔湯。多加菊花煎飲之。菊花連根帶葉皆消。疔之聖藥也。每用四兩煎湯。頓服。一切疔腫皆散。自然汁尤效。

七曰木舌重舌蓮花舌此皆心火熾盛致然也。用水洗去舌上白垢。若有黑處。用小刀點破去瘀血。吹冰片散。服甘桔湯。加黃連。若蓮花舌靠牙而起。數峯中不可鍼。宜鍼兩旁。鍼中間恐傷舌下根。傷則不能收功。凡口內使刀鍼。有兩處不可傷。一帶丁二舌下根。切記不可傷之。至要至要。又舌動症出血不止。於甘桔湯內倍加生地丹皮。主之。冰片散亦可吹。

八曰懸癰生於上腭。形如紫李。此脾經蘊熱所致。不急治恐毒氣上攻腦。則不可救。宜用銀鍼破癰。頭用鹽湯攪淨瘀血。然後吹以冰片散。仍服加味甘桔湯。

九曰塊腮癰生腮下。繞喉。癰先用薤汁調玄明粉。攪去其痰。

再看其紫黑處。鍼之以鹽湯。攪去其血。吹以冰片散。仍服甘桔湯。若飲食不入。急用解毒雄黃丸。醋磨下。七九大凡腮癰。膿從口中出者。易治。膿從腮外出者。難痊。穿破故也。

十曰喉癰。少陰腎經陰火上冲也。宜用藟汁探去其痰。若瘡勢灌膿。以銀鍼挑破之。隨用荆芥湯洗之。再吹冰片散。飲以甘桔湯。其上腭生瘡。脾熱也。舌上生瘡。心熱也。吹服如前法。

十一曰走馬牙疳。牙間紅腫漸變紫黑。臭穢此胃經濕熱也。以午後年干漱之。再吹同氣散。速服清胃散。

十二曰牙癰。牙邊腫痛如莖。大脾胃二經濕熱也。可用小刀點破之。吹以冰片散。仍服清胃散。又牙齦症。牙根盡腫。宜露於外。

或齒動不止並服前方仍用陳茶薄荷金銀花等頻服之再用冰片散搽之

十三日喉癰生於喉旁形如圓眼血絲相裹此肺經蘊熱所致不可用刀鍼宜吹麝香散服甘桔湯切忌多言耗神有一人口內生肉毬有根線長五寸餘吐毬出方可食飲以手輕捻痛微至心因用疎風降火藥每服加麝香五分仍用麝香散吹之三

日根化而愈

十四日蘭唇唇上起小泡漸腫漸大如繭此心脾鬱熱所致初起時即用艾絨如麥粒大灸之仍服甘桔湯加香附遠志之類十五日肺絕喉痺凡喉痺日久頻服清降之藥以致痰涎壅於

咽喉聲如曳鋸此肺氣將絕之候也法在難治宜用人參膏加橘紅湯縱飲之設無參膏即用獨參湯加橘紅亦可每參一錢用橘紅一分早服者可救十中之二三遲則不救矣或用四君子湯亦佳。

十六日經閉喉腫女人經水不調壅塞經脈亦令喉腫宜用四物湯加牛膝菴藟子香附桃仁之類俾經脈流通其腫自消也又有梅核氣症男婦皆同喉中如有物吞不入吐不出宜用甘桔湯加蘇梗橘紅香附金沸草之類漸次可愈。

凡治咽喉口舌之症初則疎風解毒繼則滋水養陰若元氣漸虛急顧脾胃如六味滋水四君補脾皆爲要藥否則真氣虧敗。

勢難挽矣。治者審之。

加味甘桔湯

炙甘草 三錢

桔梗

荆芥

牛蒡子 炒

貝母 各一錢五分

薄荷 三分

水煎服。○若內熱甚或飲食到口即吐加黃連一錢。○若口渴唇焦舌燥便閉渴赤更加黃芩黃柏山梔黃連。○有腫處

加金銀花五錢。

半夏桂枝甘草湯 見傷寒咽痛

理中湯

四逆湯 俱見中寒

解毒雄黃丸

明雄黃 水飛一兩

鬱金 一兩

芭荳 三十粒

共為末醋和丸如黃芩太每服五七丸清茶下吐出痰涎立醒如未吐再服倘人事昏憤心頭溫者急急研末灌之

牛黃清心丸

牛膽南星

九製者一兩

麝香

五分

珍珠

五分

冰片

五分

黃連

二錢

防風

一錢

荊芥

二錢

五倍子

一錢

桔梗

一錢

玄參

三錢

茯神

一錢

天竺黃

二錢

明雄黃

二錢

當歸

一錢

犀角

末二錢

辰砂

二錢水飛

石為細末和勻甘草四兩熬膏為丸如龍眼太辰砂為衣

中晒乾入磁餅中緊塞勿走氣臨服薄荷湯化下一丸

冰片散

冰片 一錢

硼砂 五錢

明雄黃 二錢

黃蘗 二錢

靛花 二錢

甘草 三錢

雞內金 一錢

人中白 五錢

川黃連 二錢

次明粉 二錢

銅青 五錢

蒲黃 三錢

共為極細末吹患處○一方加牛黃熊膽珍珠各一錢見茶

八分麝香三分

搗鼻散 見中風

四君子湯

四物湯 俱見虛症

六味湯 見類中

紫金丹 解諸毒療瘡腫主用極宏立見奇効凡居家出入遠



遊仕宦者不可缺此

山茨菇

洗淨二兩

五倍子

搥破洗淨二兩

千金子

去壳去油淨一兩

紅芽大戟

去蘆根洗淨焙乾爲末一兩五錢

明雄黃

三錢

硃砂

三錢水飛

麝香

當門子三錢

以上藥於淨室中製爲極細末候端午七夕或天月二德日合起以糯米濃粥湯和勻杵干下片合藥切忌婦人雞犬見每錠一錢每服一錠或半錠開水磨服病在上者必吐在下者必利吐利後以溫粥補之

一治飲食藥毒蠱毒菌毒河豚中毒自敗牛馬猪羊等肉毒人誤食之必脹悶昏倒急用水磨一錠灌之或吐或瀉其人

立驗

一南方山嵐瘴氣霧露水濕。自人感之。即覺滿悶嘔惡憎寒壯熱。隨用開水磨服數分。即愈。

一治癰疽疔背對口疔瘡。天蛇毒楊梅瘡。並用無灰清酒磨服。外用醋磨塗瘡上。日夜數次。覺痒而消。

一治喉痹喉風喉疔。乳蛾等症。并用薄荷煎湯磨服一錠。即見消散。

一治絞腸沙烏沙。脹通腹。攪痛非常。用清水磨服一錠。即愈。  
一治婦人邪氣鬼胎。用石菖蒲煎湯磨服一錠。即消。  
一治自縊。湯水壓夢鬼魅迷人。但心頭溫者。俱用生薑汁磨

服一錠立甦

一治惡蛇。瘋犬。毒蠍。溪間諸惡蟲傷人。隨即發腫。攻注走痛。或昏悶喊叫。命在須臾。急用清酒磨下一錠。仍取他人口涎磨敷患處。再服慈湯一大碗。被蓋出汗。其人必活。

一治天行時疫。延門傳染。用米醋磨濃塗鼻孔中。仍以開水服少許。卽不傳及。

一治傳尸勞瘵。諸藥不效。每早用清水磨服一錠。三日卽下惡物。有一女患瘵症。方士教服此片時。吐下小蟲十餘條。後服蘇合香丸。其病頓愈。以此相傳。活人不計其數。此真濟世衛生之寶藥也。

午後年于漱口方

午後汁

即白馬糞也如一時不辦預取為末臨時水泡取汁亦得

萬年干

即糞礪用新瓦合蓋燒灰存性為末

用年于三錢和午後汁二鍾漱口去疳毒再用同氣散吹之

同氣散

五穀蟲

洗淨焙乾三錢

人中白 三錢

黃連 去須

薄荷葉

細辛

硼砂 各一錢

真青黛

二錢

冰片 二分

共為細末摻齒縫中

清胃散

升麻錢一 生地錢二 黃連 連翹 丹皮各一錢

水煎服

冰黃散 止牙疼神效

牙硝錢三 礪砂錢三 明雄錢二 麝香厘五 冰片一分五厘

共為末每用少許擦牙

麝香散

真麝香二錢 冰片三分 黃連一錢

共為末一日夜吹五六次

目

目有五輪合乎五臟眼眵屬脾為肉輪紅絲屬心為血輪白色

屬肺爲氣輪青色屬肝爲風輪瞳人屬腎爲水輪是知目者五  
藏精華之所繫也。目疾專家呼爲七十二症著之問答其實重  
疊者多總不若辨明虛實爲的。當凡目疾暴赤腫痛畏日羞明  
名曰外障實症也。久痛昏花細小沉陷名曰內障虛症也。實者  
由於風熱虛者由於血少。實則散風瀉火虛則滋水養陰。然散  
風之後必繼以養血。經曰目得血而能視也。養陰之中更加以  
補氣。經曰氣旺則能生血也。治外障者蒺藜湯。蟬花無比散。散  
之若兼飲食所傷加消導藥如大便秘不通四順清涼飲下  
之治內障者逍遙散明目地黃丸補之若兼氣虛益氣聰明湯  
主之。且如初起翳障只須服藥散之不可遽用點藥恐病反深。

瘡當用天然水乘熱頻洗之熱能散風水能制火故也水中不用一味藥蓋目不染塵藥汁入目亦見羞澀更忌刀針刺血割肉及點硃砂之類真為行險僥倖刺血者恐傷肉用硃砂恐潰爛不息惟宜珍珠散點之乃眼藥中之至寶也再凡用散藥不可太過以傷其血用補氣藥不可太過以助其火又不宜過用寒涼使血脈凝結反生青黃之障膜溫存肝腎調劑和平而目疾自全愈矣

蒺藜湯 治暴赤腫痛

白蒺藜

一錢五分 炒去刺研

羌活

防風

各七分

炙甘草

五分

赤芍

荆芥

各一錢

葱白

連須用二段

水煎服。○若傷煎炒博炙之物加連翹山查黃連。○若傷酒更加葛根。

蟬花無比散

通治男婦小兒遠近目疾赤腫脹痛或目胞風

栗癢痛或翳膜遮睛或眼眶赤爛或鼈睛努肉或瞳人突出或羣毛倒睫小兒痘疹風眼並皆治之其應如響

蟬退

去足二兩

羌活

五兩

川芎

石決明

鹽水煮一時

防風

茯苓

赤芍

各一兩五錢

白朮

炒去

炙甘草

當歸

各三兩

蒼朮

米泔水浸切片陳土炒一兩

共為細末食後米湯調服三錢忌生冷油麵煎炒諸物

四順清涼飲



當歸

赤芍

甘草

大黃各一錢如不行加一錢

水煎服

遺遙散見類中

明目地黃丸

治內障隱澁羞明細小沉陷

生地

一斤酒洗

牛膝

二兩

麥冬

六兩

當歸

五兩

枸杞子

三兩

用甘菊花八兩熬膏和煉蜜為丸每服三錢開水下

益氣聰明湯

治氣虛目不明有人目忽不見丹溪參膏治

之服參斤餘而復此氣脫也予謂血脫者亦應照此治例經

云血脫益氣是也

黃芩 一錢五分  
人參 五分  
白朮 一錢  
炙甘草 五分

升麻 三分  
柴胡 五分  
夏荊子 五分  
常歸

白芍 各八分  
陳皮 三分

大棗 二枚 水煎服

天然水 用潔淨開水以潔淨茶盞盛之、用元色潔淨絹片、乘熱淋洗、洗後水混濁、換水再洗、及洗至水清無垢方止、如此數次即愈、水內並不用藥、故曰天然水也、  
珍珠散 古歌曰、不用刀鍼割、全憑此藥方。

珍珠 一錢五分  
瑪瑙 一錢五分  
琥珀 一錢五分  
珊瑚 一錢五分

以上四味俱用豆腐煮過、再研  
硼砂 五分  
熊膽 五分  
月荷殼 盛烘脆為末

龍腦四分

麝香二分五厘

瓜竭七分五厘

硃砂細研水飛七分五厘

黃連末

去鹽炭研細末五分

明乳香

箬上炙乾五分

沒藥

箬上炙乾五分

藍甘石

法炮製為主一兩五錢按

以上諸藥各為細末、用上細粉羅篩過、再照分數秤定、合為

一處、研萬匝、復棉紙篩下、磁罐收貯、聽用、其效如神、

製盧甘石法、擇上上甘石半斤、用傾銀鋪內、大紫土罐一個、入

甘石在內、外用紫土泥封口、擇一淨室、於地上安大鐵釘三

根、將罐攔穩、四圍用栗炭覆蓋、上下起火、自早至晚、為度、研

細粉羅篩下水飛、仍候藥水製、再用

鷄不食草

黃連

黃芩

黃柏

當歸

生地

枝子

連翹

赤芍

薄荷

大黃

細辛

白芷

羌活

獨活

甘草

膽草

紅花

杏仁

白朮

防風

荊芥

蔓荊子

麝仁各一錢

桃葉

桑葉

枇杷葉

槐葉

杏葉

口七片

人水二大碗煎至一碗去渣入金銀箔各七張再熬至一鍾用燈過蘆甘石三兩入潔淨銅器內和勻隔湯煮乾取起再入金銀箔各加七張擇清爽天氣露一宿晒一日迎日月之

精華配藥方有神驗其甘石認法形如羊腦白如雪鬆如花方美若沉重黑黯即不堪用用亦無功而且有損虛之一方用蘆甘石仁錢硃砂各五細研常點亦效

而

經云足陽明之脈絡面下於鼻凡面上浮腫而痛者風也書云面腫為風足腫為水宜用升麻葛根湯加白芷主之若兼挾水濕加入五皮飲為至妙也然又有黃胖面腫者濕熱也有痿黃虛浮者脾虛也濕熱和中九主之脾虛六君子湯主之若面上生瘡如冰痘莫延不止者黃蘗散敷之即愈

升麻葛根湯

見傷寒陽明經症

五皮飲

見水腫

和中丸

見鼓張

六君子湯

見類中

黃柏散 黃柏一塊、豬胰塗炙酥為末、濕者乾搗、乾者麻油調搽、

癰癧

癰癧者肝病也。肝主筋。肝經血燥有火。則筋急而生癰癧。多生於耳前後者。肝之部位也。其初起即宜消癰丸消散之。不可用刀鍼及敷潰爛之藥。若病久已經潰爛者。外貼普救萬全膏。內服消癰丸。並逍遙散。自無不愈。更宜戒惱怒。煎炒及發氣閉氣諸物。免致濃水淋漓。漸成虛損。患此者可毋戒歟。

消癰丸 此方奇效。治愈者不可勝計。予亦刻方普送矣。

玄參蒸

牡蠣煅醋研

貝母去心蒸各西貢

共為末煉蜜為丸每服三錢開水下日二服

普救萬全膏見辨門

逍遙散見類中

鼻

素問曰西方白色入通於肺開竅於鼻鼻塞者肺塞也鼻流清涕者肺風也香蘇散散之若鼻中常出濁涕源源不斷者名曰鼻淵此腦中受寒久而不散以致濁涕常流如泉水之涓涓耳然鼻初起多由於寒日久則寒化為熱矣治宜通竅清熱用川芎茶調散至之更有鼻生瘰肉名曰鼻痔鼻不可近痛不可搖宜用白礬散少許點之頃刻化水而消又鼻中流血不止名曰

鼻。以四生。九生地。六味湯。主之。如不止。加犀角。

香蘇散。見太陽經症。四生丸。生地六味湯。俱見虛勞。

川芎茶調散

川芎酒拌 荆芥 白芷 桔梗炒 甘草

黃芩酒炒 川貝母去心各一兩 黑山梔二兩

白礬散

白礬煨。布二錢 礬砂五分

共為細末。每用少許。點鼻。立即消。

耳

耳者。腎之外候。中藏經曰。腎者。精神之舍。性命之根。外通於耳。



然足厥陰肝足少陽膽經皆絡於耳。凡傷寒邪熱耳聾者屬少陽症。小柴胡湯主之。若病非外感有暴發耳聾者乃氣火上衝名曰氣閉耳聾。宜用逍遙散加蔓荊子石菖蒲香附主之。若久患耳聾則屬腎虛精氣不足不能上通於耳。宜用六味地黃丸加枸杞人參石菖蒲遠志之類。其患耳鳴如蟬聲如鐘鼓聲皆以前法治之。若風熱相搏津液凝聚變爲停豆抵耳之患或膿水淋漓或癢極疼痛此皆厥陰肝經風熱所致。宜用加味逍遙散去白朮加荷葉木耳貝母香附菖蒲之屬。外用紅棉散吹之。若耳內生瘡並用前藥加金銀花主之。又百蟲入耳宜用猫尿滴之。次則葱汁猶可。若用麻油恐陷耳中不得出也。又法以猪

肉炙香置耳邊假就寢令耳聞肉香則出矣

小柴胡湯

見少陽經病

六味地黃丸

見虛勞

逍遙散

見類中

紅棉散

白礬 二錢

燕支

一錢燒灰存性

右研勻先用棉杖子搗去膿水更另用棉杖子蘸藥參入耳底即乾○若停豆豉耳加麝香五厘

痔瘡

万膏有牝牡蟲血之異名而其質皆大腸經積熱所致大法宜用石菖蒲忍冬藤煎水以瓦罐盛藥對痔薰透然後傾入盆中浸洗之冷則加水如此頻頻薰洗並服加減六味丸及國老散

自然漸次消散可免刀鍼藥線之苦此亦醫壽之良法也又肛門之前腎囊之後此間若有腫脹出膿名曰懸癰又名海底漏最難收功若生於肛門之兩傍則曰臟毒較懸癰為輕耳並用前藥主之此症皆由腎水不足相火內燄庚金而致然也患者速宜保養真元用藥扶持庶可延生幸無忽視是禱

加減六味丸

大熟地九蒸

大生地酒洗各三兩

山藥乳蒸

茯苓乳蒸

丹皮酒洗各一兩五錢

澤瀉鹽水蒸一兩

當歸酒蒸

白芍酒炒

栢子仁去殼燭紙炒

丹參酒蒸各二兩

自敗蠟板

浸去脂重便炙研碎為極細末

遠志

去心甘草水  
泡蒸各四兩

共爲末、用金釵石斛四兩、金銀花十二兩、熬膏、和煉蜜爲丸、  
每早淡鹽湯下四錢、

國老散

治懸癰、臟毒、神效、

甘草七段、用急流水一碗、浸之、炙乾、又浸、又炙、以水盡爲度、  
研細末、每日空心開水調下一錢、忌煎炒、烟酒、炙博、辛辣發  
氣等物、

內癰

口中咳、胸中隱隱而痛、吐痰腥臭者、肺癰也、桔梗湯主之、當癰  
而痛、腹皮膨急、溺數如淋、轉側搖之作水聲者、腸癰也、千金牡

丹皮散主之。胃脘脹痛，手不可按，時吐膿者，胃脘癰也。忍冬湯主之。書云：嘔家有膿，不須治。嘔膿盡，自愈。是胃脘癰之已潰者，不須治也。

桔梗湯

見虛勞

千金牡丹皮散

丹皮

五錢

苡仁

五錢

瓜蒌仁

一分

桃仁

去皮尖及雙仁者十二枚

水煎服。若大便閉結不通，加大黃一錢五分。當歸三錢，得利止後服。

忍冬湯

一切內外癰腫皆可立消，但宜早服。

金銀花

四兩

甘草

三錢

水煎頓服能飲者用酒煎服

諸蟲

蟲之名有九而猶不足以盡其狀也。然總不外乎濕熱所生。凡物濕蒸熱鬱則生蟲矣。書云蟲長尺許則能殺人。蟲痛貫心傷人甚速。宜急治之。追蟲丸主之。但胃寒吐衄宜用理中安就散與治別蟲之法不同。醫者誌之。

追蟲丸

大黃

酒拌三蒸  
三晒一兩

木香

五錢

檳榔

一兩

蕪荑

去梗  
一兩

白雷丸

一兩

白朮

陳土炒  
七錢

陳皮

錢七

神麴

炒五錢

枳實

麵炒三錢五分

右爲末、用苦楝根皮、豬牙皂角各二兩、濃煎汁一碗、和前藥爲丸、如梧子大、每服五十九、空心砂糖水送下、若大便秘者、本方內除大黃、

理中安蛇散

見中寒

又方、用樞子數斤、陸續去殼、空心服一二十枚、一月之後、其虫盡去、神色大轉矣。

### 蠱毒

嶺南之地、多有埋蠱害人之法、其法取毒物之毒、暗置飲食中、其人卽中毒矣、但中毒之人、不知解法、發時卽不可救、惟太乙紫金丹可以立解之、是以遠遊川廣、不可無此藥。

五絕

五絕者一自縊二摧壓三溺水四魘魅五服毒也。自縊者自旦至暮雖已冷必可治。自暮至旦則難治。陰氣盛也。然予嘗見自暮至旦而猶救活者不可輕棄也。救治之法先將人抱下以被褥塞住穀道。次將繩索徐徐解去。不得遽然截斷。然後將手按摩胃脘。若有氣從口出。微有呼吸。卽以好肉桂心二三錢煎湯灌之。若已僵直。令兩人以竹管吹其兩耳。然後以半仙丸納鼻孔中。並研末吹入耳中。但心頭溫者雖一日猶可治也。推壓者或墜墮壓覆打傷。心頭溫者皆可救也。將本人如僧打



坐令一人提住頭髮用半仙九納入鼻中並以廣三七二三錢煎酒灌之青木香煎酒灌之亦佳。

溺水者撈起以其人橫伏牛背上如無牛以櫬代之灑去其水用半仙九納入鼻中或用搐鼻散吹之仍以生薑自然汁灌之但鼻孔無血出者皆可救也。

魔魅者夢而不醒也此濁氣頑痰閉塞所致先用通天散吹鼻中隨用蘇合香丸灌之或用非根搗汁灌之或用薑汁或用葱白酒灌之但臥處原有燈則存如無燈切不可以燈照其面只可遠遠點燈耳。一法令人痛咬其大姆指而唾其面即活服毒者砒信爲重也用小茴根搗汁飲之立救或用黃蘗散治。

之據云奇效。又救自刎者，若喉管未斷，急以麻線縫定，用金瘡藥厚敷之，以布纏定，旬日自愈。

### 半仙丸

半夏爲末，水丸。如黃芩大，每用一丸，納鼻中，男左女右，搐鼻散。見真中風

黃礬散。

大黃 一兩

明礬 五錢

共爲末，每服三四錢，冷水調下。

天下第一金瘡藥。凡刀斧損傷，跌撲打碎，敷上卽時止痛，止血，更不伴膿，勝於他藥多矣。其傷處不可見水。予製此藥，普

送因路遠者一時難取故刻方廣傳之今並筆之於書則所傳益廣矣各鄉有力之家宜修合以濟急也

雄猪油

一斤四兩  
熬化去渣

松香

六兩  
熬化去渣

黃蠟

六兩  
熬化去渣

面粉

四兩  
炒篩

樟腦

三兩  
研細

麝香

六分

冰片

六分

血結

一兩

兒茶

一兩

乳香

一兩  
熬化去渣

沒藥

一兩  
熬化去渣

以上藥研極細先將猪油松香黃蠟三味熬化合為一處待將冷再入藥末攪勻磁鉢收貯不可洩氣用時即知其神效

也

又方

用降真香爲末敷上卽愈。廣三七末敷之亦效。

醫學心悟第四卷終

醫學心悟第五卷

天都普明子程國彭鍾齡著

婦人門

婦人之症多與男子同。惟經行胎產與男子異耳。茲特舉其異者詳述於後。以備參攷。其同者悉照前法主之。不復贅及。

月經不調

經常也。一月一行。循乎常道。以象月盈則虧也。經不行則反常。而災沴至矣。方書以趨前爲熱。退後爲寒。其理近似。然亦不可盡拘也。假如臟腑空虛。經水淋漓。不斷頻數。見豈可便斷爲。

熱又如內熱血枯經脈遲滯不來。豈可便斷為寒。必須察其兼  
証。如果脈數。內熱唇焦。口燥畏熱。喜冷。斯為有熱。如果脈遲。腹  
冷。唇淡。口和。喜熱。畏寒。斯為有寒。陽臟陰臟。於斯而別。再問其  
經來血多。色鮮者。血有餘也。血少。色淡者。血不足也。將行而腹  
痛。拒按者。氣滯血凝也。既行而腹痛。喜手按者。氣虛血少也。予  
以益母勝金丹。及四物湯。加減主之。應手取效。

益母勝金丹

大熟地

砂仁酒拌  
九蒸九晒

川芎

酒蒸一兩  
五錢

當歸

酒蒸各  
四兩

丹參

酒蒸  
三兩

白芍

酒炒  
三兩

羌蔚子

酒蒸  
四兩

香附

四兩醋酒薑汁  
鹽水各炒一兩

白朮

四兩陳  
土炒

以益母草八兩、酒水各半熬膏、和煉蜜爲丸、每早開水下四錢。○血熱者加丹皮、生地各二兩。○血寒者加厚肉桂五錢。若不寒不熱、只照本方。

四物湯

見虛勞

調經養血之要藥。其地黃須九蒸九晒方能取效。

否則滯膈生痰、妨礙飲食、乃製藥之過、非立方之罪也。○血熱者加丹參、丹皮、益母草。○血寒者加桂心、牛膝。○經行而腹痛拒按者加延胡、香附、木香。○經既行而腹痛喜按者加人參、白朮。血少色淡者亦並加此。○若腹中素有痞塊、飲食滿悶者、本方內除熟地、專用三物加丹參、陳皮、香附之屬。

室女經閉成損

婦人經閉其治較易室女經閉其治較難婦人胎產乳子之後血氣空虛經水未時不至俟其氣血漸回而經脈自通矣室女乃渾全之入氣血正旺不應阻塞其閉也若非血海乾枯則經脈逆轉血海枯則內熱咳嗽鬚髮焦而成怯症經脈逆轉則失其順行之常而爲吐爲衄夫血以下行爲順上行爲逆速宜調其經脈俾月水流通庶幾可救予以益母勝金丹加牛膝主之若其人肝經怒火熾盛者則頸生瘰癧或左脇刺痛更佐以加味逍遙散及消瘰丸若其人脾氣虛弱不能消化飲食血無從生更佐以五苓異功散若其人精神倦怠晡熱內熱此氣血兩虧無經可行更佐以八珍湯此治室女經閉之良法倘妄行醫



道破血通絡其不償者幾幾希矣

益母勝金丹

見前

加味逍遙散

見類中

八珍湯

見虛勞

消瘀丸

見癰疽門

五味異功散

見虛勞

### 暴崩下血

經云陰虛陽搏謂之崩。此言熱逼血而妄行也。又曰陽絡傷則血外溢陰絡傷則血內溢外溢者從上出內溢者從下流也。病人過於作勞喜怒不節則絡脈傷損而血妄行矣。前症若因熱迫血而妄行者用加味四物湯。若因絡脈傷損者用八珍湯。若瘀血凝積佐以獨聖丸。若因肝經火旺不能藏血者加味道遙散。若因脾氣虛不能統血者四君子湯加歸芍。至之若因思慮

傷脾不能攝血歸經者歸脾湯若氣血兩虧血崩不止更服  
至大補湯丹溪云凡血症須用四君子之類以收功若大吐大  
下母以脈論當急用獨參湯救之若潮熱咳嗽脈數乃元氣虛  
弱似熱之象尤當用參朮調補脾土若服參朮不相多者即專  
以和平飲食調理之此等症候無不由脾氣先損故脈息虛浮  
而大須令脾胃健旺後天根本堅固乃爲可治設或過用寒涼  
復傷胃氣反不能攝血歸經是速其危也

加味四物湯

本方內加丹皮阿膠黃芩黑山梔方見虛勞門

八珍湯

見

獨聖丸

治瘀血凝結瘀血不去則新血不得歸經此丸主之

虛人以補藥相間而用

五靈脂

去土炒

爲末醋丸、茶、立、大、每服一二錢、淡醋水下、清酒亦得、

加味逍遙散

見類

四君子湯

歸脾湯

十全大補湯

並見虛勞

帶下

帶下之症。方書以青黃赤白黑。分屬五臟。各立藥方。其實不必拘泥。大抵此症。不外脾虛有濕。脾氣壯旺。則飲食之精華生氣血。而不生帶。脾氣虛弱。則五味之實秀生帶。而不生氣血。南方地土卑濕。人稟常弱。故濁帶之症。十人有九。予以五味異功散。加扁豆、苡仁、山藥之類。投之。輒效。倘挾五色。則加本臟藥。二

味足矣。夫帶症似屬尋常，若崩而不至，多至隨竭，骨枯而成損。治此者，寧可忽諸。

五味異功散

見虛勞

健脾止渴，帶前症若專下，白色屬肺，倍甲、苡仁、苦，兼亦色屬心，加丹參、當歸，若兼青色，屬肝，加柴胡、山梔，若兼黃色，屬脾，加石斛、荷葉、陳米，若兼黑，色屬腎，加杜仲、續斷，若脈數有熱，加炒黃芩，連子心，若脈遲，脈冷，加黑薑、大棗。

求嗣

子嗣者，極尋常事，而不得者，極其艱難。皆由男女之際，調攝未得其方也。男子以葆精為主，女子以調經為主。葆精之道，莫如

身慾遠房幃勿縱飲少勞神則精氣足矣如或先天不足則用  
藥培之大抵左尺無力或脈數有熱此真水虛也六味丸合五  
子丸以補天一之水若右尺無力或脈遲厥冷此真火衰也八  
味丸合五子丸以補地二之火若二尺俱無力或中氣餒弱是  
水火兩虧氣血並虛也用十補丸合五子丸而大補之倘精薄  
不凝更加以魚鰔鹿角膠之屬精不射遠更用黃芪斤許熬膏  
爲丸以益其氣此治男子之法也調經之道先在養性詩云婦  
人和平則樂有子和則氣血不乖平則陰陽不爭書云和平之  
氣三旬一見是已如或經事愆期則用藥調之大抵先期而至  
或脈數有熱此血熱也益母勝金丹加生地丹皮主之若後期

而至或脈遲厥冷此血寒也益母勝金丹加肉桂主之若將行而腹痛者是氣滯也更加順氣之藥若食少氣虛面色皸白四肢無力是爲氣血兩虧卽用前方減香附一半加入參黃芪河車扶神棗仁遠志之屬俾其氣血充旺則經脈自調譬如久旱不雨河道安得流通河道不通而欲其潤澤萬物不亦難乎女人經水不調或淋漓希少而欲其生子何可得耶此論女子之治法也是以葆精之道責之男子調經之要責之女子各有病處須細心體認不可濛混而失生生之理也求嗣者念之哉六味合五子在

大熟地 八兩 山藥 四兩

山萸肉 四兩

茯苓

丹皮

澤瀉各三兩

枸杞子

菟絲子各四兩

五味子

車前子

覆盆子各二兩

石斛六兩熬膏和煉蜜為丸每早開水下四錢

八味丸見類中門

十補丸即十全大補湯為丸見虛損門

益母勝金丹見月經不調

轉女為男說

易曰乾道成男坤道成女乾剛用事得陽氣之專者則多男坤柔用事得陰氣之全者則多女此定理也男子平時清心寡慾養其乾健之體則所感而生男矣至於受胎時日之法謂斷經一二日感者成男三四五日感者成女誠以一二日間陰氣方虧則陽氣當勝故生男三四五日陰血既回則陽氣不勝故生

女此乾坤之性情剛柔之體用也。今方書備載轉女爲男之法。有束皮革者。有佩雄黃者。有暗藏雄雞羽於蓆下者。有暗藏斧於床下而繫刃向下者。種種諸法。或驗或不驗。其驗者安知其非。仲中耶。終不若講究本原爲合理也。如或男女命運乖舛。速宜修德。以祈之廣積陰功。多行善事。三年五載。勤勉不怠。自應得男。更兼戒殺放生。則所生男益當聰明長壽。冥冥中有主之者。未可徒恃藥而歸怨於命也。求男者理應敬聽吾言。

診婦人有孕法

經謂婦人有孕者。身有病而無邪脈也。有病謂經閉無邪脈。謂脈息如常不斷絕也。經又云。手少陰脈動甚者。孕子也。少陰心



也。心主血脈。心脈旺則血旺而爲孕子之兆。經又云陰搏陽別。謂之有子。言二尺脈旺與兩寸迥別亦爲有孕。以上三者但得其一卽爲孕脈。分而占之合而推之而孕脈無遁情矣。或謂流利雀啄亦爲孕脈。何也。答曰。流利者血正旺。雀啄者經脈閉塞不行。故脈絕而欲至此數月之胎也。不知者斷爲病脈。則令人耶笑。或謂孕有男女何以脈而知之也。答曰。左寸爲太陽脈。浮大知爲男也。右寸爲太陰脈。沉實知爲女也。若兩寸皆浮大主生二男。兩手皆沉實主生二女。凡孕脈弦緊滑利爲順。沉細微弱爲逆也。

### 驗胎法

婦人經水不行。已經三月。或脈不應指。或經事偶見。法當驗之。用川芎爲細末。煎艾湯。空心調下二錢。腹內微動。則有胎。不動者。非胎也。

食忌

有孕之後。凡忌食之物。切宜戒謹。一食雞子糯米。令子生寸白蟲。一食羊肝。令子多疾。一食鯉魚。令兒成疳。一食犬肉。令子無聲。一食兔肉。令子缺脣。一食鼈。令子項短。一食鴨子。令子心寒。一食螭蜥。多致橫生。一食雀肉。令子好淫。一食荳醬。令子發疔。一食野獸肉。令子多怪疾。一食生薑。令子多指。一食水雞。鱔魚。令子生癰。一

食驢馬肉令延月難產。

如此之類無不驗者所當深戒。

### 藥忌

娠孕藥忌歌。凡數十種。推之尚不止此。然藥中如斑蝥、水蛭、蛇、蜈蚣、水銀、信砒等藥。皆非恒用之品。姑置勿論。茲特選其易犯者約纂數語。俾醫家舉筆存神。免致差誤。其他怪異險峻之品。在有孕婦自應避忌。不待言也。

烏頭附子與天雄

牛黃巴豆並桃仁

芒硝大黃牡丹桂

牛膝藜蘆茅茜根

槐角紅花與皂角

三稜莪朮薏苡仁

乾膝蘭茹瞿麥穗

半夏南星通草同

乾薑大蒜馬刀莖

延胡常山麝莫聞。此係婦人胎前忌。常須記念在心胃。  
右藥忌禁犯似矣。然安胎止嘔有用半夏者。娠孕熱病有用  
大黃者。娠孕中寒有用乾薑桂附者。是何說也。昔黃帝問於  
岐伯曰。婦人重身毒之如何。岐伯對曰。有故無殞亦無殞也。  
大積大聚其可犯也。衰其大半而止。有故者。謂有病無殞者。  
無損乎胎也。亦無殞者。於產母亦無損也。蓋有病則病當之。  
故毒藥無損乎胎氣。然必大積大聚病勢堅強乃可投之。又  
須得半而止。不宜過劑。則慎之又慎矣。用藥者可不按岐黃  
之大法耶。

娠妊之際經脈不行濁氣上于清道以致中脘停痰眩暈嘔吐  
胃膈滿悶名曰惡阻法當理脾化痰升清化濁以安胃氣用二  
陳湯加枳殼主之若脾虛者用六君子湯加蘇梗枳殼砂仁香  
附主之其半夏雖爲妊中禁藥然痰氣阻塞中脘陰陽拂逆非  
此不除以薑湯泡七次炒透用之卽無碍也若與參朮同行猶  
爲穩當凡安胎氣止嘔定眩須用白朮爲君而以半夏茯苓陳  
史砂仁佐之往往有效夫妊娠惡阻似瀉尋常然嘔吐大多恐  
傷胎氣醫者可不善爲調攝乎

二陳湯 六君子湯

俱見類中

胎動不安

妊娠胎動不安。多因起居不  
慎。或飲食觸犯禁忌。或風寒搏其  
衝任之脈。或跌撲傷損。或怒  
而治之。大法若因母病而胎  
而致病。但安其胎。而母病自  
愈。再診其色。若面赤舌青。則子難  
保。若面青舌赤。吐沫。母亦難  
全。妊娠中切宜戒謹。  
安胎飲

當歸

川芎

白芍 酒炒 大熟地 尤製

茯苓

阿膠 各一錢

炙草

艾葉 各三分

白朮 二錢

水煎服。若起居不慎。加人參黃芪。杜仲續斷。若飲食觸

佛手散

犯加人參倍白朮。○若風寒相搏，當按經絡以祛風寒。○若跌撲傷損，另用佛手散加滑木香、益母草。○若怒動肝火，本方加柴胡、山梔。○若脾氣虛弱，去熟地，加人參、扁豆、陳皮。然因時調治，對症處方，全在活法，不可膠執也。

當歸 五錢

川芎 二錢五分

水煎酒沖服。○若跌撲傷重，加滑木香一錢半，益母草三錢。

胎漏

女人之血無孕時則爲經水。有孕時則聚之養胎，蓄之爲乳汁。若經水忽下，名曰漏胎，血漸盡則胎不保矣。大法若因風熱動

血者用四物湯送下防風黃芩丸。若因血虛用古方加茯神阿膠艾葉若因怒動肝火用加味逍遙散若去血太多用八珍湯。如不應。用補中益氣湯。凡脾虛下陷不能攝血歸經者皆宜補中益氣。假如氣血俱盛而見血者乃小兒飲少也不必服藥。四物湯見虛勞八珍湯見虛勞加味逍遙散見類中補中益氣湯見類中

防風黃芩丸

細實條芩

沙焦

防風

各等分

右爲末酒糊丸桐子大每服二錢食前開水送下

子懸

子眩



子懸者胎上逼也。胎氣上逆緊塞於胃次之間名曰子懸。其症由於悲怒傷肝者居多。亦有不慎起居者。亦有脾氣鬱結者。宜用紫蘇飲加減主之。更有氣逆之甚。因而厥暈。名曰子眩。並用前藥主之。然子眩有由脾虛挾痰者。宜用六君子湯。若頑痰閉塞而脾氣不虛者。二陳湯加竹瀝薑汁。虛實之間所當深辨也。紫蘇飲治子懸並催生順產神效。

當歸

川芎

紫蘇  
各一錢

甘草  
炙

白芍

治炒各五分  
腹皮  
黑薑煎水洗八分

人參

右生薑一片葱白一寸水煎服。○前症若因悲怒傷肝者加柴胡。○若因不慎起居者加白朮砂仁。○若因脾氣鬱結者

加木香

六君子湯

二陳湯

俱見類中

胎不長

妊娠胎不長者。多因產母有宿疾。或不慎起居。不善調攝。以致脾胃虧損。氣血衰微。而胎不長也。法當祛其宿疾。補其脾胃。培其氣血。更加調攝得宜。而胎自長矣。補脾胃。五味異功散。主之。培氣血。八珍湯。主之。祛宿疾。隨症治之。

五味異功散

八珍湯

俱見虛勞

半產

半產者。小產也。或至三五月而胎墮。或不足月而欲生。均謂之

小產重於大產。蓋大產如瓜熟自落。小產如生斷其根蒂。豈不重哉。其將產未產之時。當以安胎爲急。安胎飲主之。既產而腹痛拒按者。此瘀血也。法當祛瘀生新。當歸澤蘭湯主之。若小產後血不止。或煩渴面赤。脈虛微者。此氣血大虛也。八珍湯加炮薑以補之。若腹痛嘔瀉。此脾胃虛也。香砂六君子湯加薑桂以溫之。其在產母。更慎風寒。節飲食。多服補藥。以堅固氣血。毋使輕車熟路。每一受孕。卽至期損動。而養育維艱也。戒之慎之。

安胎飲

見前胎動不安

八珍湯

見虛勞

六君子湯

見類中

當歸澤蘭湯

當歸

澤蘭

白芍

酒炒

川芎

太熟地

九製各一錢五分

延胡

酒炒

紅花

香附

丹皮

各五分

桃仁

去皮尖及雙仁炒研七粒

水煎入童便熱酒各半盞熱服

子煩

妊娠子煩者煩心悶亂也。書云：孕四月受少陰君火以養精。六月受少陽相火以養氣。子煩之症大率由此。竊謂婦人有孕則君相二火皆翕聚以養胎，不獨四六兩月而已。大法火盛內熱而煩者，淡竹葉湯若氣滯痰凝而悶亂者，三陳加白朮黃芩與蘇梗枳殼若脾胃虛弱嘔惡食少而煩者，用六君子湯子煩之

候不善調攝則胎動不安矣慎之

淡竹葉湯

淡竹葉七片

黃芩

知母

麥冬各一錢

茯苓二錢

水煎服

二陳湯

六君子湯

俱見類中

子癇

妊娠中血虛受風以致口噤腰背反張名曰子癇其症最暴且急。審其果挾風邪宜用羚羊角散定之。若兼怒動肝火佐以逍遙散。加人參。若兼胎氣上逆佐以紫蘇飲。若兼脾虛挾痰佐以六君子湯。若因中寒而發者宜用理中湯。如防風鈎藤此症必

須速愈為善。若頻發無休，非惟胎妊驟下，將見氣血隨胎漸散。母命亦難保全。大抵此症胎氣未動，以補氣養血定濕為主。胎氣既下，則以天補氣血為主。此定之理。亦當屢治屢驗矣。此  
羚羊角散

羚羊角

切

獨活

當歸

各一錢

川芎

茯神

防風

甘草

炙各七分

鉤藤

三錢

人參

八分

桑寄生

二錢

生薑五分，大棗二枚，水煎服。

逍遙散

見類

紫蘇飲

見前

六君子湯

見虛

理中湯

見中

子鳴

妊娠腹內自鳴，係小兒在腹內哭聲也。謂之子鳴。又謂之腹中

鍾鳴古方用鼠穴中土二錢加麝香少許清酒調下或用黃連濃煎呷之卽止但黃連性寒麝香開發下宜輕用此症乃臍上疙瘡兒含口中因孕婦登高舉臂脫出兒口以此作聲令孕婦曲腰就地如拾物一二刻間疙瘡乃入兒口其鳴卽止可服四物湯加白朮茯苓一二劑安固胎氣

四物湯 見虛勞

### 子瘡

妊娠至八九月間忽然不語謂之子瘡但當飲食調養不須服藥昔黃帝問於岐伯曰人有重身九月而瘡何也岐伯對曰胞胎繫於腎腎脈貫繫舌本故不能言十月分娩後自爲之言也

愚按腎脈貫繫舌本。因胎氣壅閉。腎脈阻塞。故不能言。自應調攝以需之。不必驚異。或用四物湯加遠志數劑。亦可倘妄為投藥。恐反悟事。慎之。

四物湯

見虛勞

### 孕婦內癰

孕癰。腹內生癰也。生於有妊之時。猶為可畏。宜用千金牡丹皮散。或神效插莖散治之。但丹皮苳仁桃仁皆動胎之藥。因有病則病當之。故無忌也。

千金牡丹皮散

治腸癰之聖藥

丹皮

三兩

苳仁

二兩

插莖

去油

桃仁

去皮大雙仁

青各一兩

一兩



右爲末，每服五七錢，水煎服。

若腸癰大便閉結，小腹堅腫，加大黃一錢五分。但有孕時，大黃不宜輕用，須斟酌投之。

神效括蕞散 治腸癰、並乳癰及一切癰疽初起，腫痛卽消，膿

成卽潰，膿潰卽愈。

括蕞 一枚

生粉草 當歸 酒洗各五錢

明乳香

沒藥 各一錢

水煎，熱酒沖服，如量渣再煎服，卽消。

鬼胎 夢與鬼交

凡人臟腑安和，血氣充實，精神健旺，榮衛條暢，則妖魅之氣安。

得而乘之。惟夫體質虛衰。精神惑亂。以致邪氣交侵。經閉腹大。如懷子之狀。其面色青黃不澤。脈濇細。或乍大乍小。兩手如出。兩人或寒熱往來。此乃肝脾積鬱之氣。非胎也。宜用雄黃丸攻之。而以各經見症之藥。輔助元氣。大法。肝經鬱火。佐以逍遙散。脾氣鬱結。佐以歸脾湯。脾虛痰。佐以六君子湯。此症乃元氣不足。病氣有餘。或經事愆期。失於調補。所致。不可浪行攻擊。而忘根本。則鬼胎行。而元氣無傷矣。復有夢與鬼交者。亦由氣血空虛。神志惑亂。宜用安神定志丸主之。

雄黃丸

明雄黃

鬼臼 去毛

丹砂

細研水飛  
各五錢

延胡索 七錢

麝一錢

川芎七錢

半夏一兩汁炒

右為末、蜜九桐子大、每服三十丸、空心溫酒送下

逍遙散

六君子湯似見類中

歸脾湯見虛損

安神定志丸見不得臥

熱病胎損

娠妊熱病不解。以致胎損。腹中不能出者。須驗其產母。面赤舌青者。其子已損。若面青舌赤。母亦難全。古方通用黑神散下之。然藥性燥烈。不宜於熱病應用。平胃散加朴硝五錢下之。為穩當也。

黑神散 隆冬寒月及體氣虛寒者須此

桂心

當歸

芍藥

炙甘草

乾薑炒

生地黄

各一兩

黑豆

炒去皮

附子

炮去皮

石為細末每服二錢用牛膝三錢煎水空心調下

平胃散

見類中

又方 朴硝三錢童子小便一鍾和熱酒調下立出

妊娠小便不通

轉胞

胞損

妊娠中小便不通乃小腸有熱古方用四物湯加黃芩澤瀉主之然孕婦胞胎墜下多致壓胞胞系繚亂則小便點滴不通名曰轉胞其禍最速法當升舉其胎俾胎不墜則小便自通矣丹溪用補中益氣隨服而探吐之往往有驗予用茯苓升麻湯亦多獲效皆升舉之意也然則仲景治轉胞用桂附八味湯何也

予曰此下焦虛寒胎氣陰冷無陽則陰不化寒水斷流得桂附  
溫煖命門則陽氣宣通寒水解凍而小便行矣况方內復有苳  
苓澤瀉爲之疏決乎然亦有陽亢陰消孤陽無陰不能化氣者  
必須補其真陰古方用滋腎九子當用六味加車前牛膝往往  
收功斯二者一陰一陽一水一火如冰炭相反最宜深究大抵  
右尺偏旺左尺偏弱脈細數而無力真水虛也左尺偏旺右尺  
偏弱脈虛大而無力者乃真火虛也火虛者腹中陰冷喜熱畏  
寒小便滴瀝而清白水虛者腹中煩熱喜冷畏熱小便滴出如  
黃蘗脈症自不同安危在於反掌辨之不可不早辨也復有於  
分娩之時穩婆不謹傷損尿胞以致小便滴瀝淋漓不知約束

因思在外肌肉尚可補完。腹中之肉獨不可補乎。遂用大劑八珍湯。加紫河車三錢。而以猪胞中湯煎藥飲之。如此數服。即愈。但須早治。不可輕忽。

八味湯

見類中

八珍湯

見虛症

滋腎丸

黃蘗

知母 各二兩

肉桂 一錢

煉蜜丸。每服三錢。開水下。

胎水腫滿

妊娠胎水腫滿。名曰子腫。又名曰子氣。其症多屬胞胎壅遏。水飲不及通流。或脾虛不能制水。以致停蓄。大法。胎水壅遏。用五

皮飲加白朮茯苓主之脾虛不能制水用六君子湯主之凡腰  
以上腫宜發汗加秦艽荊芥防風腰以下腫宜利小便加車前  
澤瀉防已胎水通行生息順易宜先時治之不可俟其既產而  
自消也

五皮飲 見水腫

六君子湯 見類中

乳自出

妊娠乳自出名曰乳泣生子多不育然予以爲氣血虛弱不能  
統攝用八珍湯頻頻補之其子遂育夫醫理有培補之功贊化  
之能豈可執常說而自畫歟

八珍湯

見虛勞

臨產時將護法

凡臨產將護之法有四。一曰善養。當安神靜慮。勿着惱怒。時常行動。不可呆坐。不可多睡。不可飽食。及過飲酒醴。與雜物。惟頻食糜粥。以解饑渴。最善。天氣熱。則預擇涼處。免生火暈。天氣寒。則密室溫暖。免致血寒。調養得宜。而生息順易矣。二曰擇穩。須預請老練穩婆。備辦需用之物。臨產時。不許多人喧闐。免致驚惶。但用老婦二人。撐扶及憑物。站立倦。卽仰臥。以枕安腿中。徐徐俟之。直待漿水到腰。腹齊痛甚。緊時。是胎已離經。令產婦再仰臥。俾兒轉身。頭對產門。稍一用力。卽生下矣。人生人。係天生人有自然之造化。不用人爲造作。但順其性而已。三曰服藥。凡



新產女子其臟氣堅固胞胎緊實八月宜服保產無憂湯二三劑臨產再服二三劑撐開道路則兒易生復有用力太早以致漿水先行或連日不產勞倦神疲中氣不續宜服加味八珍湯以助其力若多胎產婦更宜預服此藥復有華陀順生丹須俟臨盆腰腹齊痛時再與一二丸用佛手散煎湯送下不經女人手凡驗產法腰痛腹不痛者未產腹痛腰不痛者未產必腰腹齊痛甚緊時此真欲產也如或遲滯卽以順生丹投之適當其時矣四日吉方凡安產婦床帳及藏衣宜擇月空方位每逢單月月空在壬丙逢雙月月空在甲庚必須看定方位不致游移言無不利。

神驗保生無憂散 婦人臨產先服一二劑自然易生或遇橫  
 生倒產甚至連日不生速服一二劑應手取效永救孕婦產  
 難之災常保子母安全之吉

當歸 酒洗一分 川貝 一錢 黃芪 八分 白芍 酒炒一錢二分

兔絲子 一錢 厚樸 姜汁炒 艾葉 七分 荊芥穗 八分

枳殼 麩炒 六分 川芎 一錢 羌活 五分 甘草 五分

水二鍾薑三片煎至八分空腹溫服

此方流傳海內用者無不應響而製方之妙人皆不得其解  
 是故疑信相半予因解之新孕婦人胎氣完固腹皮緊窄氣  
 血聚其胞胎最難轉動此方用撐法焉當歸川芎白芍養血

活血者也。厚樸去瘀血者也。用之撐開而脈俾惡露不致填塞。羌活、荊芥、疏通太陽。將背後一撐。太陽經脈最長。太陽治而諸經皆治。枳殼疏理結氣。將面前一撐。俾胎氣斂抑而無阻滯之虞。艾葉溫暖子宮。撐動子宮。則胞胎靈動。川貝、兔絲最能運胎順產。將胎氣全體一撐大具天然活潑之趣矣。加黃芪者。所以撐扶元氣。元氣旺則轉運有力也。生薑通神明去穢惡。散寒止嘔。所以撐扶正氣而安胃氣。甘草協和諸藥。俾其左宜右有。而全其撐法之神者也。此真無上良方。而世人不知所用。卽用之而不知製方之妙。則亦惘惘然矣。予故倫言之。以醒學者。

加味八珍湯。凡臨產候自驚惶用力太早。致漿水去多。乾澀難生。速服此方。補養氣血。以助其力。虛甚者。連服二三劑。必效。但宜大碗飲之。不可遲疑。誌之。誌之。

人參。八分。虛者一錢二分。俗見不用人參。恐胎氣上逆。出行耳。且用之。漿水已行時。尤為穩當。

白朮。一錢。土炒。陳茯苓。八分。當歸。五錢。炙甘草。三分。

川芎。一錢。五分。白芍。二錢。酒炒。大熟地。一錢。五分。乳香。五分。

丹參。三錢。酒炒。益母草。二錢。

水煎服。○冬月天寒。加黑薑五分。○服藥而嘔。加生薑二片。砂仁五分。○如或漿水去多。橫生倒產。用老練穩婆輕手扶。

正隨用此湯卽時分娩清吉總之漿水未行用保生無憂散以順其胎漿水太多必用加味八珍湯大補氣血以助其力保產順生百無一失

華陀順生丹

硃砂 五錢細研水飛

則乳香 一兩若上炙乾

右爲末端午日猪心血爲丸如芡實大每服一九用當歸三錢川芎二錢煎湯送下不經女人手

順生丹

硃砂 五錢

丁香 五錢

麝香 一錢

乳香 一兩

石燕 一對一雌一雄同爲雄長爲雄煅醋淬七次

右爲末，擇天月德日，用益母草熬膏爲丸，如茨實大，每服一二丸，用歸芳湯送下。

催生如神散 治逆產穢生，其功甚大。

百草霜

白芷 不見火各爲末等分

右每服三錢，以童便米醋和如膏，加沸湯調下，或用酒煎加入童便少許，熱服。書云：血見黑則止。此藥不但順生，大能固血，又免血枯爲妙。

十產論

楊子建云：凡生產先知此十症，庶母子兩命皆得保全。世之收生者，殊少精良妙手，多致誤事。予因痛切而脩言之。

一曰正產。懷胎十月。陰陽氣足。忽然腰腹齊痛。兒自轉身。頭向產門。漿破血下。兒卽正生。

二曰催產。兒頭至產門。腰腹齊痛。仍不產者。方服藥催之。或經日久。產母困倦難生。宜服藥以助氣血。令兒速生。

三曰傷產。胎未足月。有所傷動。以致臍腹疼痛。忽然欲產。或因妄服催藥。逼兒速生。如此生息。未必無傷。慎之。

四曰凍產。天氣寒冷。產母血氣凝滯。難以速生。則衣服宜厚。產室宜暖。下衣更宜溫厚。庶兒易生。更不宜火氣太熱。恐致血暈。

五曰熱產。盛暑之月。產婦溫涼得中。過熱則頭目昏眩。而生血

暈之症。若涼臺水隔。以及狂風陰雨。更當謹避。

六曰橫生。言兒方轉身。產母用力太急。逼令兒身不正。當着產母安然仰臥。令老練穩婆。先推兒身順直。頭對產門。以中指探兒肩。不令臍帶扳。纔然後用藥催之。再令產母努力。兒卽順生。

七曰倒產。言兒並未轉身。產母妄自努力。令兒手足先出。當令產母安然仰睡。令穩婆輕手推入。候兒自順。若良久不生。令穩婆手入產戶。就一邊撥兒轉順。產門却服催生藥。並努力卽出。

八曰偏產。言兒雖已轉身。但未順生路。產母急於努力。逼兒頭



偏一邊。雖露頂。非也。乃額角耳。當令產母俯睡。穩婆輕手扶正其頭。却服催藥。並努力。兒卽下。若兒頭後骨偏。注穀道。露額。令穩婆以綿衣烘暖。裹手於穀道外旁。輕手托正。令產母努力。兒卽生。

九曰破產言。見身已正。門路已順。兒頭已露。因兒轉身。臍帶絆其肩。以致不生。令產母仰臥。穩婆輕手推兒向上。以中指按兒肩。脫去臍帶。仍令兒身正。順產。母努力。兒卽生。

十日盤腸產。臨產子腸先出。然後生子。腸出時。以極潔淨。不破損。漆器盛之。古方用蓖麻子四十九粒。研爛。塗產母頂心。腸收上。卽洗去其腸。若乾。以磨刀水少許。溫潤之。再用磁石煎。

湯服之。卽收上。磁石須陰陽家用過有驗者。古法有用醋水。  
喫母面背者。恐驚則氣散。深爲未便。又方大指。然麻油潤  
之。點燈吹熄。以烟薰產婦鼻中。腸卽上。此方平善。宜選用。  
以上十產論。可謂精且密矣。而交骨未開。尚未論及。足見醫道  
繁難。不容浮躁者問津也。

交骨不開產門不開

交骨不開。有鎖骨有血虛不能運達者。令穩婆以麻油調滑石。  
塗入產門中。或用兩指。緩緩撐開。並服加味歸芩湯。候藥力行。  
到卽分娩。清吉。若產門不開。氣血虛也。用八珍湯補之。如不應。  
用十全大補湯。

加味歸芎

當歸 五錢

自敗龜板 童便炙酥三錢

川芎 三錢

婦人頭髮 一握燒灰存性

水煎服。約人行五里。卽生。設是息胎。亦下。灼過龜板。亦可用。

八珍湯

十全大補湯 俱見虛勞

胞衣不下

胞衣不下。或因氣力疲憊。不能努力。宜於剪臍時。用物繫定。再用歸芎湯一服。卽下。或血入衣中。脹大而不能下。以致心腹脹痛。喘急。速用清酒下。失笑丸三錢。俾血散。脹消。其衣自下。如不應。更佐以花蕊石散。或牛膝散。亦得。

鮮芳湯

見前

失笑丸

治瘀血脹胞並治兒枕痛神效

五靈脂

去土炒

蒲黃

炒等分

共爲末醋糊丸如桐子大每服二三錢淡醋水下

花蕊石散

治產後敗血不盡血迷血暈胎衣不下脹急不省人事但心頭溫者急用一服灌下瘀血化水而出其人卽甦效驗如神醫家不可缺此

花蕊石 一斤

上色硫黃 四兩

有爲末和勻先用紙泥封固瓦罐一箇入二藥仍用紙泥封口晒乾用炭煨二炷香次日取出細研每服二錢童便和熱

酒調下。甚者用二三錢。

牛膝散 治胎衣不下。腹中脹急。此藥腐化而下。緩則不效。

牛膝

川芎

蒲黃

微炒

丹皮

各二兩

當歸

一兩五錢

桂心

四錢

共為末。每服五錢。水煎服。

產後將護法

產後將護之法有四。一曰倚坐。婦人產畢。須閉目稍坐。上牀以被褥靠背。暑月以櫬靠之。若自己把持不住。則用老練女人靠之。不可遽然倒睡。常以手從心幹至臍下。俾瘀露下行。房內宜燒漆器及醋炭。以防血暈。如或昏暈不醒。更宜用此二法。二曰

攝食。凡產後宜。常食白粥。數日後。以石首魚。鱸少。洗淡食之。至半月後。可食雞子。亦須打開煮之。方能養胃。滿月之後。再食羊肉。猪蹄。少許。酒。醋。活血。然氣性。慄悍。亦不宜多。如此。則產中無病。產後更加健旺矣。三日。避風。養神。慎言。凡新產。須避風寒。不宜梳頭洗面。更忌濯足。惟恐招風受濕。疾病隨起。又不宜獨宿。恐受虛驚。驚則神氣散亂。變症百出。初生之際。不必問是男是女。恐因言語。而泄氣。或以愛惜。而動氣。尋常。亦不可多言。恐中氣。餒弱。皆能致病。慎之。戒之。四曰服藥。初產。畢。古方。用熱童便。少許。飲之。此物。一時。難以。猝辦。稍冷。恐致。嘔惡。或。生。化。湯。代。服。之。亦佳。然產後。每多。心。慌。自。汗。之。症。予。因。製。歸。薑。飲。投。之。殊。覺。

要。通。加。海。如。法。能。救。產。後。垂。危。之。厄。凡。產。後。用。藥。不。宜。輕。投。涼。劑。又。不。宜。過。於。辛。熱。產。後。氣。血。空。虛。用。涼。劑。恐。生。臟。寒。然。桂。附。乾。薑。氣。味。辛。熱。若。臟。腑。無。寒。何。處。消。受。理。應。和。平。調。治。方。為。合。法。如。或。有。偏。寒。偏。熱。之。症。又。須。活。活。治。之。不。可。膠。執。也。

三化湯 凡產後服一二劑，祛瘀生新為妙。

當歸 三錢

黑薑 五分

川芎 一錢五分

益母草 一錢

桃仁 七粒 去皮尖及雙仁者炒研

水煎服，入童便少許尤佳。

歸薑湯 治產後心慌自汗，用此安之。

當歸 三錢

黑薑 七分

棗仁 炒一錢五分

大棗五枚去核水煎服。若服後自汗仍多心慌無主恐其  
暈脫卽加入參二錢熟附子一錢先顧根本方內重用當歸  
則瘀血不得停畱人參可用世人狐疑不決多致誤事予嘗  
治新產大虛之人有用人參數兩而治愈者更有用十全大  
補加附子數十劑而治愈者倘瘀血作痛卽以失笑丸間服  
攻補並行不相妨也。

十全大補湯 見虛損

### 產後血暈

產後血暈宜燒漆器薰醋炭以開其竅若瘀血上攻胸腹脹痛  
拒按者宜用歸芩湯下之笑丸若去血過多心慌自汗用歸薑



飲加入參。虛甚者。更加熟附子。若脾胃虛弱。痰厥頭眩。而嘔惡者。用六君子湯。大抵產後眩暈。多屬氣虛。察其外症。面白。眼開。口張。手撒。皆為氣血欲脫之象。苦衆口鼻氣冷。手足厥冷。此為真虛。挾寒速宜溫補。每用人參兩餘。而以薑附佐之。庶得回春。不可忽也。

歸薑湯

見前

失笑丸

見胎衣不下

六君子湯

見類中

產後不語

不語之症。有心病。不能上通者。有脾病。不能運動舌本者。有腎病。不能上交於心者。雖致病之因不同。而受病之處。總不出此三經耳。產後不語。多由心腎不交。氣血虛弱。縱有微邪。亦皆由

元氣不足所致。古方七珍散主之。若兼思慮傷脾。倦怠少食。更佐以歸脾湯。若兼氣血兩虛。內熱晡熱。更佐以八珍湯。若兼脾虛生痰。食少嘔惡。更佐以六君子湯。若兼腎氣虛寒。厥冷痺痛。更佐以地黃飲子。若兼水虛火炎。內熱面赤。更佐以六味地黃湯。如此調治。自應漸愈。倘妄行祛風攻痰。失之遠矣。

七珍散

人參

石膏蒲

牛地黃

川芎

各一兩

防風

辰砂

另研水飛各半兩

細辛

一錢

右爲末。每服二錢。薄荷湯下。

歸脾湯

八珍湯

俱見虛症

六君子湯 地黃飲子 六味湯 俱見類中

產後發熱

產後若無風寒而忽發熱者血虛也。宜用四物湯補陰血。加以黑乾薑之苦溫從治。收其浮散。使歸於陰。則熱即退矣。如或未應。更加童子小便爲引。自無不效。然產後多有脾虛傷食而發熱者。候作血虛。卽不驗矣。法當調其飲食。理其脾胃。宜用五味異功散。加神麴麥芽。大小風寒發熱晝夜不退。血虛與傷食。則日晡發熱。清晨卽退。是以二症相似也。然傷食之症。必吞酸。噯腐。胸膈滿悶。顯然可辨。若血虛症。則無此等證候。然產後復有氣血大虛。惡寒發熱。煩躁作渴。乃陽隨陰散之危症。宜用十全

大補湯如不應更加附子。若嘔吐瀉利食少腹痛脈沉細或浮大無力更佐以理中湯此皆虛寒假熱之候設候認爲大而清之禍如反掌。

四物湯

五味異功散

十全大補湯

俱見虛勞

理中湯

見中寒

產後癲狂

產後癲狂及狂言謔語乍見鬼神其間有敗血上衝者有血虛神不守舍者大抵敗血上衝則胃腹脹痛惡露不行宜用澤蘭湯並失笑丸若血虛神不守舍則心驚自汗胃腹無苦宜用安神定志丸倍入參加歸芍藥之歸脾湯亦得此症多由心脾氣血不足神思不寧所致非補養元氣不可倘視爲實症而攻之

禍不旋踵

澤蘭湯

澤蘭

生地 酒洗

當歸

赤芍 各一錢

甘草 炙五分

生薑 一錢

大棗 四枚

桂心 三分

水煎服

失笑丸 見胞衣不下

安神定志丸 見不

歸脾湯 見虛勞

心神驚悸

產後心神驚悸或目睛不轉語言健忘皆由心血空虛所致夫入之所主者心心之所主者血心血一虛神氣不守驚悸所由來也法當補養氣血為主

汗多變症

產後汗出不止。皆由陽氣頓虛。腠理不密。而津液妄泄也。急用十全大補湯止之。如不應。用參附芪附朮附等湯。若病勢危急。則以參芪朮三湯合飲之。如或汗多亡陽。遂變為瘧。其症口噤。咬牙角弓反張。尤為氣血大虛之惡候。更當速服前藥。屢用救療。或問無汗為剛瘧。有汗為柔瘧。古人治以小續命湯者。何也。答曰。此外感發瘧也。病屬外感。則當祛邪為急。若產後汗多發瘧。此內傷元氣。氣血大虧。筋無所養。虛極生風。藉非十全大補。加附子。安能飲汗液定搐搦。而救此垂危之症乎。且傷寒汗下過多。潰瘍膿血大泄。亦多發瘧。宜前養氣血為主。則產後之

治法更無疑矣。甚矣察症宜明而投劑貴審也。

十全大補湯 見虛症

### 產後身痛

產後遍身疼痛。良由生產時。百節開張。血脈空虛。不能榮養。或敗血乘虛而注於經絡。皆令作痛。大法若遍身疼痛。手按更痛者。是瘀血凝滯也。用四物湯加黑薑、桃仁、紅花、澤蘭。補而化之。若按之而痛稍止。此血虛也。用四物湯加黑薑、人參、白朮。補而養之。其或有兼用寒者。則發熱惡寒。頭痛鼻塞。口出火氣。斯爲外感。宜用古拜散。加當歸、川芎、秦艽、黑薑。以散之。散後痛未除。恐血虛也。宜用八珍湯以補之。此治身痛之大法也。

四物湯

八珍湯

俱見虛症

古拜散 治產後受風、筋脈引急、或發搐搦、或昏憤不省人事、或發熱惡寒、頭痛身痛、

荆芥穗

右爲末、每服三錢、生薑湯調下。●又方、加當歸等分爲末、治症如前、名清魂散、

產後腰痛

書云、腰以下皆腎所主。因產時勞傷腎氣、以致風冷客之、則腰痛。凡腰痛上連脊背下連腿膝者皆風也。若獨腰痛者虛也。風用獨活寄生湯、虛用八珍湯、加杜仲續斷肉桂之屬。若產後惡



露不盡流注腿股痛如錐刺手不可按速用桃仁湯消化之免作癰腫凡病虛則補之實則瀉之虛中有實實中有虛補瀉之間更宜斟酌焉

獨活寄生湯

見腰痛

八珍湯

見虛症

桃仁湯

桃仁 十粒炒研

當歸 三錢

牛膝 二錢

澤蘭 三錢

蘇木 一錢

水煎熱酒沖空心服

惡露不絕

產後惡露不絕大抵因產時勞傷經脈所致也其症若肝氣不

和不能藏血者宜用逍遙散。若脾氣虛弱不能統血者宜用歸脾湯。若氣血兩虛經絡虧損者宜用八珍湯。若瘀血停積阻礙新血不得歸經者其症腹痛拒按宜用歸芎湯送下。矢笑丸先去其瘀而後補其新則血歸經矣。

逍遙散

見類中

歸脾湯

八珍湯

俱見虛勞症

矢笑丸

見胞衣不下

歸芎湯

又名佛手散

當歸

川芎

等分

右每服五錢水煎熱酒沖服

產後心腹諸痛

產後心腹諸痛若非風冷客之飲食停之則為瘀血凝積然產

後中氣虛寒多致暴痛宜各審其因而藥之。大法風寒者口鼻氣冷停食者吞酸滿悶俱用二香散主之。瘀血者轉側若刀錐之刺手不可按痛而不移失笑丸主之。中氣虛寒者腹中冷痛按之稍止熱物熨之稍鬆理中湯加桂心主之。若小腹痛氣寒臍下逆冲而上忽聚忽散者此瘕氣也橘核丸主之。若小腹痛處有塊不可手按此瘀血壅滯名曰兒枕痛並用前失笑丸瘀血行而痛止矣。

二香散 散寒消食

砂仁

木香

黑薑

陳皮

炙草 各一兩

香附

三兩薑汁炒

共為末每服二錢生薑湯調下

失笑丸

見胞衣不下

理中湯

見中寒

橘核丸

見雜症小腹疝

蓐勞

產後氣血空虛真元未復有所作勞則寒熱食少頭目四肢脹痛名曰蓐勞最難調治大法陽虛則惡寒陰虛則發熱清氣不升則頭痛血氣下充則四肢痛宜用大劑八珍湯以補之若脾虛食少即用六君子加炮薑以溫補之諸症自退凡產後調治之法或補養氣血或溫補脾土雖有他症從未治之此一定之法也

八珍湯

見虛症

六君子湯

見類中

喘促

新產後喉中氣急喘促。因營血暴竭。衛氣無依。名曰孤陽。最爲難治。宜用六味湯。加入參以益其陰。若脾肺兩虛。陽氣不足。宜用四君子湯。加黑乾薑當歸以益其陽。若自汗厥冷。加附子。若兼外感。即於四君方內加荊芥陳皮炮薑川芎當歸以散之。若瘀血入肺。口鼻起黑氣及鼻衄者。此肺胃將絕之候。急服二味參蘇飲。間有得生者。

六味湯

見虛症

六君子湯

見類中

二味參蘇飲

人參 一兩

蘇木 三錢 杵細

水煎頓服。若厥冷自汗，更加附子二三錢。

### 鼻黑鼻衄

足陽明胃脈起於鼻，交頰中，還出挾口，交人中，左之右，右之左。蓋鼻準屬脾土，鼻孔屬肺金，而胃實統之。產後口鼻起黑氣及鼻衄，皆由氣血空虛，榮血散亂，乃胃敗肺絕之危症也。急用二味參蘓飲加附子，間有得生者。

### 二味參蘓飲

見前

### 產後乳疾

婦人產後有乳少者，有吹乳者，有妒乳者。乳爲氣血所化，若元氣虛弱，則乳汁不生，必須補養氣血爲主。若乳房掀脹，是有乳

而永通也。直疏導之。復有乳兒之際。爲兒口氣所吹。致令乳汁不通。壅滯腫痛。不急治。卽成乳癰。速服括萋散。敷以香附餅。立見消散。亦有兒飲不盡。餘乳停蓄。以致腫痛。名曰妒乳。速宜吮通。并敷服前藥。免成癰患。若乳盛之婦。不自乳子。宜用炒麥芽五錢煎服。其乳卽消。若婦人鬱怒而乳腫者。於括萋散內更加柴胡赤芍甘草橘葉之屬。

### 括萋散

括萋 一箇

明乳香 二錢

酒煎服

香附餅 敷乳癰卽時消散。一切癰腫皆可敷。

香附

細末淨  
一兩

麝香

二分

右共研勻以蒲公英二兩煎酒去渣以酒調藥頓熱敷患處

乳癰乳巖

乳部

乳癰者乳房腫痛數日之外。焮腫而潰。稠膿湧出。膿盡而愈。此屬膽胃熱毒。氣血壅滯所致。猶爲易治。若乳巖者。初起內結小核如棋子。不赤不痛。積久漸大崩潰。形如熟榴。內潰深洞。血水淋漓。有巉巖之勢。故曰乳巖。此屬脾肺鬱結。氣血虧損。最爲難治。乳癰初起時。若服括蕞散。敷以香附餅。卽見消散。如已成膿。則以神仙太乙膏貼之。吸盡膿自愈矣。乳巖初起。若用加味道遙散。加味歸脾湯。二方間服。亦可內消。及其病勢已成。雖有盧



扁亦難爲力。但常確服前方補養氣血。縱未脫體。亦可延生。若妄用行氣破血之劑。是速其危也。更有乳卽症。乳頭拖下長一二尺。此肝經風熱發泄也。用小柴胡湯加防風羌活主之。外用羌活防風白朮燒烟薰之。仍以蓖麻子四十九粒麝香一分研爛塗頂心。俟乳收上。急洗去。此屬怪症。女人盛怒者多得之。不可不識。

括蕞散 香附餅 俱見前症

神仙太乙膏 治一切癰疽。不問膿之成否。並宜貼之。

玄參 白芷 當歸 肉桂 生地

赤芍 大黃 各一兩 黃丹 十三兩 炒篩

右用麻油二斤內諸藥煎黑濾去渣復將入鍋熬至滴水成珠再入黃丹十三兩再熬滴水中看其軟硬得中即成膏矣如軟再加黃丹數錢

加味道遙散

見類中

加味歸脾湯

見虛症

小柴胡湯

見傷寒少陽症

婦人隱疾

婦人隱疾前陰諸疾也。或如菌如蛇如帶熱也。古方九味蘆薈若肝經濕熱極盛佐以補中益氣湯若思

也有陰腫陰痒陰瘡陰挺下脫諸症其腫如雞冠種種不一而推其因總不外乎濕九主之若兼怒動肝火佐以加味道遙散以龍膽瀉肝湯若脾虛氣弱中氣下陷佐慮傷脾脾氣鬱結佐以加味歸脾湯若腎

水不足佐以六味丸。加歸芍。庶克收功。夫此症雖屬濕熱而元氣虛弱者多。若不顧根本而常用清涼。恐不免寒中之患也。治者慎之。

九味蘆薈丸 治三焦肝膽經風熱。目生雲翳。或頸項瘰癧。耳

內生瘡。或牙齦蝕落。頰腮腐爛。下疳陰蝕。瘡腫諸症。

蘆薈 五錢 胡黃連 當歸 芍藥 炒

川芎 蘇黃 各一兩 木香 甘草 各三錢

膽草 七錢 酒浸 炒焦

右爲末。米糊丸。麻子仁大。每服一錢。或一錢五分。開水下。加味道遙散 見類中

龍膽瀉肝湯 治肝經濕熱兩拘腫痛或小便澀滯下疳潰爛等症

膽草 酒拌炒黃 澤瀉 錢各一 車前子 木通

生地 洗酒 山梔 炒 當歸 酒拌 黃芩 炒

甘草 炒各五分 水煎服

補中益氣湯 見類中 歸脾湯 六味丸 並見虛症